



東坡集卷之七十四



詩

古今體七十五首


宿餘杭法喜寺寺後綠野亭望吳興諸山懷孫莘老學士

徙倚秋原上淒涼晚照中  
水流天不盡人遠思何窮  
問謀知秦過  
看山識禹功  
稻涼初吹蛤柳老半書蟲  
荷背風翻白蓮腮雨退紅  
追遊慰遲暮覓句效兒童  
北望苕溪轉遙憐震澤通  
烹魚得尺素  
好在紫髯翁

夜泛西湖三首



眉山蘇軾東坡氏著





蒼龍已沒牛斗橫東方芒角昇長庚漁人收筒及未曉船過惟有菰蒲聲

其二

菰蒲無邊水茫茫荷花夜開風露香漸見燈明出遠寺更待月黑看湖光

其三

湖光非鬼亦非仙風恬浪靜光滿川須臾兩兩入寺去就視不見空茫然

焦干之求惠山泉詩

茲山定空中乳水滿其腹遇隙則發見臭味實一簇淺深各有傳方圓隨所蓄或爲雲洶涌或作綫斷續或鳴空洞中雜佩劍琴筑或流蒼石縫宛轉龍鸞蹙餅罌走四海真偽半相瀆貴人高宴罷醉眼亂紅綠赤泥開方印紫餅截圓玉傾甌共歡賞竊語笑僮僕豈如泉上僧盥灑自挹掬故人憐我病弱籠寄新馥欠伸北窓下晝睡美方熟精品厭凡泉願子致一斛

沈諫議召遊湖不赴明日得雙蓮於北山下作一絕持獻沈既見和又別作一首因用其韻

詔書行捧縷金牋樂府應歌相府蓮莫忘今年花發處西湖西畔



北山前

和歐陽師會老堂次韻

一時冠蓋盡嚴終舊德年來豈易逢  
聞道堂中延蓋叟定應牀下拜  
梁松蠹魚自晒閒箱篋科斗長收古鼎鍾  
我欲棄官重問道寸筵何以得春容

孫莘老求墨妙亭詩

蘭亭蠶紙入昭陵世間遺迹猶龍騰  
顏公變法出新意細筋入骨如秋鷹  
徐家父子亦秀絕字外出力中藏稜  
嶧山傳刻典刑在千載筆法留陽冰  
杜陵評書貴瘦硬此論未公吾不憑  
短長肥瘦各

有態玉環飛燕誰敢憎吳興太守真好古  
購買斷缺揮縑繪龜趺入坐螭隱壁空齋書  
靜聞登登奇蹤散出走吳越勝似傳說誇友  
朋書來乞詩要自寫爲把栗尾書谿藤  
後來視今猶視昔過眼百世如風燈他年  
劉郎憶賀監還道同時須伏膺

秋懷

海風東南來吹盡三日雨空階有餘滴  
似與幽人語念我平生歡寂寞守環堵  
壺漿慰作勞裹飯救寒苦今年秋應熟  
過從飽雞黍嗟我獨何求萬里涉江浦  
居貧豈無食自不安歛歛念此坐達晨  
殘燈翳復吐



梵天寺見僧守詮小詩清婉可愛次韻

但聞煙外鐘不見煙中寺幽人行未已草露濕芒屨惟應山頭月  
夜夜照來去

是日宿水陸寺寄北山清順僧二首

草沒河堤雨暗村寺藏修竹不知門拾薪煮藥憐僧病掃地燒香  
淨客魂農事未休侵小雪佛燈初上報黃昏年來漸識幽居味思  
與高人對榻論

其二

長嫌鐘鼓聒湖山此境蕭條却自然乞食遶村真爲飽無言對客  
本非禪披榛覓路衝泥入洗足關門聽雨眠遙想後身窮賈島夜  
寒應聳作詩肩

客位假寐

謁入不得去兀坐如枯株豈惟主忘客念我亦忘吾同僚不解事  
慍色見髭鬚雖無性命憂且復忍須臾

朱壽昌郎中少不知母所在刺血寫經求之五十年去歲得  
之蜀中以詩賀之

嗟君七歲知念母憐君壯大心愈苦羨君臨老得相逢喜極無言  
淚如雨不羨白衣作三公不愛白日昇青天愛君五十著綵服兒



東坡集卷十七  
四  
啼却得償當年烹龍爲炙玉爲酒鶴髮初生千萬壽金花詔書錦  
作囊白藤肩輿簾蹙繡感君離合我酸辛此事今無古或聞長陵  
竭來見大姊仲孺豈意逢將軍開皇苦桃空記面建中天子終不  
見西河郡守誰復譏賴谷封人羞自薦

將之湖州戲贈辛老

餘杭自是山水窟人間吳興清絕湖中極林新著霜溪上茗花  
正浮雪顧渚茶牙白於齒梅溪木爪紅勝頰吳兒鱸縷薄欲飛未  
去先說饒涎垂亦知謝公到郡久應怪杜牧尋春遲鬢絲只好對  
禪榻湖亭不用張水嬉

鴉種麥行

霜林老鴉閒無用畦東拾麥畦西種畦西種得青猗猗畦東已作  
牛毛稀明年麥熟芒攢掣農夫未食鴉先啄徐行俛仰若自矜鼓  
翅跳踉上牛角憶昔舜耕歷山鳥爲耘如今老鴉種麥更辛勤農  
夫羅拜鴉飛起勸農使者來行水

鹽官南寺千佛閣

古邑居民半海濤師來構築便能高千金用盡身無事坐看香煙  
遶白毫

塔前古檜



東坡集卷之十四  
當年雙檜是雙童相對無言老更恭庭雪到腰埋不死如今化作  
兩蒼龍

僧爽白雞

養二十餘年常  
立坐側聽經

斷尾雄雞本畏烹年來聽法伴脩行還須却置蓮花漏老怯霜風  
恐不鳴

六和寺冲師開山溪爲水軒

欲放清溪自在流忍教冰雪落沙洲出山定被江潮澗能爲山僧  
更少留

冬至日獨遊吉祥寺

井底微陽回未回蕭蕭寒雨濕枯荻何人更似蘇夫子不是花時  
肯獨來

後十餘日復至

東君意淺著寒梅千朵深紅未暇栽安得道人殷七七不論時節  
遺花開

畫魚歌

湖州道  
中作

天寒水落魚在泥短釣畫水如耕犁渚浦披折藻荇亂此意豈復  
遣鰕鯢偶然信于背虛擊本不辭勞幾萬一一魚中刃百魚驚蝦  
蟬奔忙誤跳擲漁人養魚如養雛插竿冠笠驚鷓鴣豈知白挺開



如雨攪水覓魚嗟已疎

贈莘老

嗟余與子久離羣耳冷心灰百不聞若對青山談世事當須舉白  
便浮君

其二

天目山前淥浸裾碧闌堂上看銜鱸作堤捍水非吾事閒送君溪  
入太湖

秀州報本禪院鄉僧文長老方丈

萬里家山一夢中吳音漸已變兒童每逢蜀叟談終日便覺峨眉  
翠掃空師已忘言真有道我除搜句百無功明年採藥天台上更  
欲題詩滿浙東

正月九日有美堂飲醉歸徑睡五鼓方醒不復能眠起閱文  
書得鮮于子駿所寄雜興作古意一首答之

衆人事紛擾志士獨悄悄何異琵琶絃常遭腰鼓鬧三杯忘萬慮  
醒後還皎皎有如轆轤索已脫重縈繞家人自約束始慕陳婦孝  
可憐原巨先放蕩今誰弔平生嗜羊炙識味肯輕飽烹蛇啖蛙蛤  
頗訝能稍稍憂來自不寐起視天漢澗闌于玉繩低耿耿太白曉  
上元過祥符寺僧可久房蕭然無燈火



東坡集卷之十四  
門前歌鼓闕分明一室清風冷欲冰不把瑠璃閒照佛始知無畫  
本無燈

正月二十一日病後述古邀城外尋春

屋上山禽苦喚人檻前冰沼忽生鱗老來厭逐紅裙醉病起空驚  
白髮新臥聽使君鳴鼓角試呼稚子整冠巾曲欄幽榭終寒窘一  
看郊原浩蕩春

飲湖上初晴後雨

水光潋灩晴方好山色空濛雨亦奇欲把西湖比西子淡粧濃抹  
總相宜

往富陽新城李節推先行三日留風水洞見待

春山礫礫鳴春禽此間不可無我吟路長漫漫傍江浦此間不可  
無君語金鯽池邊不見君追君直過定山村路人皆言君未遠騎  
馬少年清且婉風巖水穴舊聞名只隔山溪夜不行溪橋曉溜浮  
梅萼知君繫馬巖花落出城三日尙透遲妻拏怪罵歸何時世上  
小兒誇疾走如君相待今安有

風水洞和李節推

風轉鳴空穴泉幽瀉石門虛心聞地籟妄意覓桃源過客詩難好  
居僧語不繁歸餅得冰雪清冷慰文園



自昔照遊二菴

長松吟風晚雨細東菴半掩西菴閉山行盡日不逢人  
浥浥野梅香入袂居僧笑我戀清景自厭山深出無計  
我雖愛山亦自笑獨往神傷後難繼不如西湖飲美酒  
紅杏碧桃香覆髻作詩寄謝採薇翁本不避人那避世

新城道中二首

東風吹我欲山行吹斷簷間積雨聲嶺上晴雲披絮帽  
樹頭初日挂銅鉦野桃含笑竹籬短溪柳自搖沙水清  
西崦人家應最樂煮芹燒笋餉春耕

其一

身世悠悠我此行溪邊委轡聽溪聲散材畏見搜林斧  
疲馬思聞卷旆鉦細雨足時茶戶喜亂山深處長官清  
人間岐路知多少試向桑田問耦耕

湖上夜歸

我飲不盡器半酣味尤長盃輿湖上歸春風吹面涼  
行到孤山西夜色已蒼蒼清吟雜夢寐得句旋已忘  
尚記梨花村依依聞暗香入城定何時賓客半在亡  
睡眼忽驚覺繁燈鬧河塘市人拍手笑狀如失林麀  
始悟山野姿異趣難自強人生安為樂吾策殊未良



次韻孫莘老見贈時莘老移廬州因以別之

鑪鎚一手賦形殊造物無心敢望渠我本疎頑固當爾子猶淪落  
況其餘龍黃側畔難言政羅趙前頭且眩書莘老見稱書與政事而莘老書至不一  
惟有陽關一杯酒懸懃重唱贈離居

次韻代畱別

蜂蠟燒殘玉笋飛離歌唱徹萬行啼他年一舸鳴夷去應記儂家  
舊姓西

於潛女

青裙縞袂於潛女兩足如霜不穿屨簷沙鬢髮絲穿村蓬杳障前  
走風雨老滷宮粧傳父祖至今遺民悲故主茗溪楊柳初飛絮  
溪畫曾渡溪去逢郎樵歸相媚嫵不信姬姜有齊魯

自昌化雙溪館下步尋溪源至沼平寺

亂山滴翠衣裘重雙澗響空恣樹搖飢食不嫌溪筍瘦穿林閑覓  
野芎苗却愁縣令知遊寺尙喜漁人爭渡橋正似醴泉山下路桑  
枝刺眼麥齊腰

五月十日與呂仲甫周郊僧惠勤惠思清順可久惟蕭義詮

同泛湖遊北山

三吳雨連月湖水日夜添尋僧去無路潏潏水拍簷駕言徂北山



東坡集卷之四  
得與幽人兼清風洗昏翳晚景分濃纖縹緲朱樓人斜陽半疎簾  
臨風一揮手悵焉起遐瞻世人驚朝市獨向溪山廉此樂得有命  
輕傳神所殲

會客有美堂周分長官與數僧同泛湖往北山湖中聞堂上  
歌笑聲以詩見寄因和二首時周有服

藹藹君詩似嶺雲從來不許醉紅裙不知野屐穿山翠惟見輕橈  
破浪紋頗憶呼盧袁彥道難邀罵坐灌將軍晚風落日元無主不  
惜清涼與子分

其二

載酒無人過子雲掩關晝臥客書裙歌喉不共聽珠貫醉面何因  
作纈紋僧侶且陪香火社詩壇欲斂鸛鵝軍憑君徧遶湖邊寺漲  
淥晴來已十分

席上代人贈別

淒涼怨亂不成歌縱使重來奈老何淚眼無窮似梅雨一番勻了  
一番多

其二

天上麒麟豈混塵籠中翡翠不由身那知昨夜香閨裏更有偷啼  
暗別人



其三

蓮子摩開須見憶  
楸枰著盡更無期  
破衫却有重逢處  
一飯何曾忘却時

追和子由去歲試舉人洛下所寄詩五首暴雨初晴樓上晚景

秋後風光雨後山  
滿城流水碧潺潺  
滃煙雲好處無多子  
及取昏鴉未到間

其二

白汗翻漿午景前  
雨餘風物便蕭然  
應傾半熟鵝黃酒  
照見新晴

水碧天

立秋日禱雨宿靈隱寺同周徐二令

百重堆案掣身閒  
一葉秋聲對榻眠  
牀下雪霜侵戶月  
枕中琴筑落堦泉  
崎嶇世味嘗應遍  
寂寞山栖老漸便  
惟有憫農心尚在  
起占雲漢更茫然

病中獨遊淨慈謁本長老周長官以詩見寄仍邀遊靈隱因次韻答之

臥聞禪老入南山  
淨掃清風五百間  
我與世疎宜獨往  
君緣詩好不容攀  
自知樂事年年減  
難得高人日日閒  
欲問雲公覓心地  
要



知何處是無還

病中遊祖塔院

紫李黃瓜村路香  
烏紗白葛道衣涼  
閉門野寺松陰轉  
歌枕風軒客夢長  
因病得閒殊不惡  
安心是藥更無方  
道人不惜塔前水  
借與匏樽自在嘗

虎跑泉

亭亭石榻東峰上  
此老初來百神仰  
虎移泉眼趁行脚  
龍作浪花拱撫掌  
至今遊人灌濯罷  
臥聽空階環玦響  
故知此老如此泉  
莫作人間去來想

佛日山榮長老方丈

陶令思歸久未成  
遠公不出但聞名  
山中只有蒼髯叟  
數里蕭蕭管送迎

其二

千株玉槊攬雲立  
一穗珠旒落鏡寒  
何處霜曾翦眼  
客結爲三友  
令相看

有美堂暴雨

遊人脚底一聲雷  
滿坐頑雲撥不開  
天外黑風吹海立  
浙東飛雨過江來  
十分潑灑金樽凸  
千杖敲鐺羯鼓催  
喚起謫仙泉灑面倒



傾蛟室瀉瓊瑰

八月十五日看湖

定知玉兔十分圓已作霜風九月寒寄語重門休上鑰夜潮留向月中看

其二

萬人鼓噪懾吳儂猶似浮江老阿童欲識潮頭高幾許越山渾在浪花中

其三

江邊身世兩悠悠久與滄波共白頭造物亦知人易老故教江水

更西流

其四

吳兒生長狎濤淵冒利輕生不自憐東海若知明主意應教斥鹵

變桑田

其五

江神河伯雨醯雞海若東來氣吐霓安得夫差水犀手三千強弩射潮低

宿九仙山

風流王謝古仙真一去空山五百春玉室金堂餘漢土桃花流水



身城集卷二四  
失秦人困眠一榻香凝帳夢遶千巖冷逼身夜半老僧呼客起雲  
峰缺處湧冰輪

宿海會寺

籃輿三日山中行山中信美少曠平下投黃泉上青冥綫路每與  
猿猱爭重樓束縛遭澗坑兩股酸辛饑腸鳴北度飛橋踏彭鏗繚  
垣百步如古城大鐘橫撞千指迎高堂延客夜不扃杉槽漆斛江  
河傾本來無垢洗更輕倒牀鼻息四鄰驚就如五鼓天未明木魚  
呼粥亮且清不聞人聲聞屢聲

海會寺清心堂

南郭子綦初喪我西來達磨尙求心此堂不說有清濁遊客自觀  
隨淺深兩歲頻爲山水役一溪長照雪霜侵紛紛無補意何事慚  
愧高人閉戶吟

徑山道中次韻答周長官兼贈蘇寺丞

年來戰紛華漸覺夫子勝欲求五畝宅灑掃樂清淨學道恨日淺  
問禪慙聽瑩聊爲山水行逐此麋鹿性獨遊吾未果覓伴誰復聽  
吾宗古遺直窮達付前定醺糟醉方熟灑面呼不醒奈何效鷲蝠  
屢欲爭晨暝不如從我遊高論發犀柄溪南渡橫木山寺稱小徑  
幽尋自茲始歸路微月映南望功臣山雲外盤飛磴三更渡錦水



再宿留石鏡緬懷周與李能作洛生詠明朝二子至詩律嚴號令  
盤輿置紙筆得句輕千乘玲瓏若奇秀名實巧相稱九仙更幽絕  
笑語千山應空巖側破舊飛溜灑浮磬山前見虎跡候吏饒鼓競  
我生本艱奇塵土滿畚甑山禽與野獸知我久踰躓笑謂候吏還  
禦虎吾有命徑山雖云遠行李稍可併頗訝王子猷忽起山陰興  
但報菊花開吾當理歸榜

九日尋臻閣梨遂泛小舟至勸師院

湖上青山翠作堆葱葱鬱鬱氣佳哉笙歌叢裏抽身出雲水光中  
洗眼來白足赤髭迎我笑拒霜黃菊爲誰開明年桑苧煎茶處憶  
著衰翁首重迴

次韻述古過周長官夜飲

二更饒鼓動諸隣百首新詩間八珍已遣亂蛙成兩部更邀明月  
作三人雲煙湖寺家家境燈火沙河夜夜春曷不勸公勤秉燭老  
來光景似奔輪

述古以詩見責屢不赴會復次前韻

我生孤癖本無隣老病年來益自珍肯對紅裙辭白酒但愁新進  
笑陳人北山怨鶴休驚夜南畝巾車欲及春多謝清詩屢推轂  
膏那解轉方輪

來詩有雲霄  
蒲輪之句



東坡集卷之四  
賀陳述古弟章生子

鬱葱佳氣夜充間始見徐卿第二雛甚欲去爲湯餅客惟愁錯寫  
弄麈書叅軍新婦賢相敵阿大中郎喜有餘我亦從來識英物試  
教啼看定何如

書雙竹湛師房

暮鼓朝鐘自擊撞閉門孤枕對殘缸白灰旋撥通紅火臥聽蕭蕭  
雪打窓

寶山新開徑

藤梢楠刺元無路竹杖櫻鞋不用扶風自遠來聞語笑水分流處  
見江河回觀佛國青蹊髻踏遍仙人碧玉壺野客歸時山月上棠  
梨葉戰暝禽呼

和錢安道寄惠建茶

我官于南今幾時嘗盡溪茶與山茗胸中似記古人面口不能言  
心自省爲君細說我未暇試評其略差可聽建溪所產雖不同一  
一天與君子性森然可愛不可慢骨清肉膩和且正雪花雨脚何  
足道啜過始知真味永縱復苦硬終可錄汲黯少慙寬饒猛草茶  
無賴空有名高者妖邪次頑曠體輕雖復強浮泛性帶偏工嘔酸  
冷其間絕品豈不佳張禹縱賢非骨鯁葵花玉韉不易致道路幽



東坡集卷之二十四  
嶮隔雲嶺誰知使者來自西開緘磊落收百餅嗅香嚼味本非別  
透紙自覺光炯炯糝糠團鳳友小龍奴隸日注臣雙井收藏愛惜  
待佳客不敢包裹鑽權倖此詩有味君勿傳空使時人怒生瘦

李頌秀才善畫山以兩軸見寄仍有詩次韻答之

平生自是箇中人欲向漁舟便寫真詩句對君難出手雲泉勸我  
早抽身年來白髮驚秋速長恐青山與世新從此北歸休悵望囊  
中收得武林春

夜至永樂文長老院文時臥病退院

愁聞巴叟臥荒村來打三更月下門往事過年如昨日此生未死  
得重論老非懷土情相得病不開堂道益尊惟有孤栖舊時鶴舉  
頭見客似長言

除夜野宿常州城外二首

行歌野哭兩堪悲遠火低星漸向微病眼不眠非守歲鄉音無件  
苦思歸重衾脚冷知霜重新沐頭輕感髮稀多謝殘燈不嫌客孤  
舟一夜許相依

其二

南來三見歲雲徂直恐終身走道塗老去怕看新曆日退歸擬學  
舊桃符煙花已作青春意霜雪偏尋病客鬚但把窮愁博長健不



辭醉後飲屠酥

惠山謁錢道人烹小龍團登絕頂望太湖

踏遍江南南岸山逢山未免更畱連獨攜天上小圓月來試人間  
第二泉石路縈回丸龍脊水光翻動五湖天孫登無語空歸去半  
嶺松聲萬壑傳

東坡集卷之七十五

眉山蘇軾東坡氏著

虎丘寺

入門無平田石路穿細嶺陰風生澗壑古木翳潭井湛盧誰復見  
秋水光耿耿鐵花秀巖壁殺氣噤蛙鼃幽幽生公堂左右立頑礪  
當年或未信異類服精猛胡為百歲後仙鬼互馳騁竊然留新詩  
讀者為悲哽東軒有佳致雲水麗千頃熙熙覽生物春意破淒冷  
我來屬無事暖日相與永喜鵲翻初旦愁鷺蹲落景坐見漁樵還



東坡全集卷之五  
新月溪上影悟彼良自怡歸田行可請

常潤道中有懷錢塘寄述古

五首存二

從來直道不辜身得向西湖  
兩過春沂上已成曾點服泮宮  
初采魯侯芹休驚歲歲年年貌  
且對朝朝莫莫人細雨晴時  
一百六畫船鼉鼓莫違民

其二

惠山泉下土如濡陽羨溪頭  
米勝珠賣劍買牛吾欲老殺  
鷄爲黍子來無地偏不信容  
高蓋俗儉真堪着腐儒莫怪  
江南苦留滯經營身計一生迂

同柳子玉遊鶴林招隱醉歸呈景絕

花時臘酒照人光歸路春風  
灑面涼劉氏宅邊霜竹老戴  
公山下野桃香巖頭足練兼  
天靜泉底真珠濺客忙安得  
道人攜笛去一聲吹裂翠崖岡

景純見和復次韻贈之二首

解組歸來道益光坐看百物  
自炎涼捲簾堂上檀槽鬧送  
客林間樺燭香淺暈已愁當  
酒怯非才尤覺和詩忙何人  
貪佩黃金印千柱耽耽鎖北岡

其二



人間膏火止爭光每到藏春得覽涼多事始知田舍好凶年偏覺  
野蔬香溪山勝畫徒能說來往如梭爲底忙老去此身無處著爲  
翁栽插萬松岡

柳子玉亦見和因以送之兼寄其兄子璋道人

不羨腰金照地光  
蹙時假面弄西涼  
晴窗燕日肝腸暖  
古殿朝真履袖香  
說靜故知猶有動  
無闌底處更求忙  
先生官罷乘風去  
何用區區賦陟岡

子玉家宴用前韻見寄復答之

自酌金樽勸孟光  
更教長笛奏伊涼  
牽衣男女選太白  
扇枕郎君煩阿香  
詩病逢春轉深痼  
愁魔得酒躡雙奔  
忙醒時情味吾能說  
日在西南白草岡

金山寺與柳子玉飲大醉臥寶覺禪榻夜分醒書其壁

惡酒如惡人相攻  
劇刀箭頽然一榻上  
勝之以不戰  
詩翁氣雄拔  
禪老語清軟  
我醉都不知  
但覺紅綠眩  
醉時江月墮  
撼撼風響變  
惟有一龕燈  
二豪俱不見

大風留金山兩日

塔上一鈴獨自語  
明日顛風當斷渡  
朝來白浪打蒼崖  
倒射軒窗作飛雨  
龍驤萬斛不敢過  
漁艇一葉從掀舞  
細思城市有底忙  
却



笑蛟龍爲誰怒無事久留童僕怪此風聊得妻孥許  
瀟山道人獨何事半夜不眠聽粥鼓

遊鶴林招隱

郊原初雨霽春物有餘妍古寺滿脩竹深林聞杜鵑  
睡餘柳花墮目眩山櫻然西窻有病客危坐看香煙

其二

行歌白雲嶺坐咏脩竹林風輕花自落日薄山半陰  
澗草誰復識聞香杳難尋時見城市人幽居惜未深

書焦山綸長老壁

法師任焦山而實未嘗任我來輒問法法師了無語  
法師非無語不知所答故君看頭與足本自安冠履譬如長鬣人不以長爲苦  
一日或人問每睡安所措歸來被上下一夜着無處展轉遂達晨  
意欲盡鐻去此言雖鄙淺故自有深趣持此問法師法師一笑許

蘇州間丘江君二家雨中飲酒二首

小圃陰陰遍灑塵方塘潏潏欲生紋已煩仙袂來行雨莫遣歌聲  
便駐雲音對綺羅辭白酒試將文字惱紅裙今宵記取醒時節點  
滴空堦獨自聞

其二



五紀歸來髮未霜十眉環列坐生光喚船渡口迎秋女駐馬橋邊  
問泰娘曾把四絃娛白傳敢將百草鬪吳王從今却笑風流守書  
戟空凝宴寢香

戲書吳江三賢畫像三首

誰將射御教吳兒長笑申公爲夏姬却遣姑蘇有麋鹿更憐夫子  
得西施范蠡

其二

浮世功勞食與眠季鷹直得水中仙不須更說知機早直爲鱸魚  
也自賢張翰

其三

千首文章一頃田囊中未有一錢看却因養得能言鴨驚破王孫  
金彈丸陸龜蒙

過永樂文長老已卒

初驚鶴瘦不可識旋覺雲歸無處尋三過門間老病歿一彈指頃  
去來今存亡慣見渾無淚鄉井難忘尚有心欲向錢塘訪圓澤葛  
洪川畔待秋深

去年秋偶遊寶山上方入一小院闐然無人有僧隱几低頭  
讀書與之語漠然不甚對問其隣之僧曰此雲閣梨也不出



十五年矣今年六月自常潤還復至其室則死葬數月矣作  
詩題其壁

雲師來寶山一住十五秋讀書常閉戶客至不舉頭去年造其室  
清坐忘百憂我初無言說師亦無對辭今來復扣門空房但颯颯  
云已滅無餘薪盡火不留却疑此室中嘗有斯人不所遇孰非夢  
事過吾何求

僧惠勤初罷僧職

軒軒青田鶴鬱鬱在樊籠既爲物所縻遂與吾輩同今夜始謝去  
萬事一笑空新詩如洗出不受外垢蒙清風八齒牙出語如風松  
霜髭茁病骨饑坐聽午鐘非詩能窮人窮者詩乃工此語信不忘  
吾聞諸醉翁

遊靈隱高峯塔

言遊高峯塔蓐食治野裝火雲秋未衰及此初旦涼霧霏巖谷暗  
日出草木香嘉我同來人久便雲水鄉相勸小舉足前路高且長  
古松攀龍虵怪石坐牛羊漸聞鐘磬音飛鳥皆下翔入門空無有  
雲海浩茫茫惟見龔道人老病時絕糧問年笑不答但指穴藜牀  
心知不復來欲歸更徬徨贈別留正布今歲天早霜

捕蝗至浮雲嶺山行疲苦有懷子由弟



東坡集卷之十三  
西來煙陣塞空虛灑遍秋田雨不如新法清平那有此老身窮苦  
自招渠無人可訴烏銜肉憶弟難憑大寄書自笑迂疎皆此類區  
區猶欲理蝗餘

其二

霜風漸欲作重陽熠熠溪邊野菊黃  
久廢山行疲犖确尙能村醉  
舞淋浪獨眠林下夢魂好回首人間憂患長殺馬毀車從此逝子  
來何處問行藏

與毛令方尉遊西菩提寺

推擠不去已三年魚鳥依然笑我頑  
人未放歸江北路天教看盡  
浙西山尙書清節衣冠後處士風流水石間一笑相逢那易得數  
詩狂語不須刪

其二

路轉山腰足未移水清石瘦便能奇  
白雲自占東西嶺明月誰分  
上下池黑黍黃粱初熟後朱柑綠橘半甜時  
人生此樂湏天賦莫遣兒曹取次知

聽賢師琴

大絃春溫和且平小絃廉折亮以清  
平生未識宮與角但聞牛鳴  
盎中雉登木門前剝啄誰扣門  
山僧未閑君勿瞋歸家且覓千斛



東坡集卷之十三  
水淨洗從來箏笛耳

贈寫真何元秀才

君不見路州別駕眼如電左手挂弓橫撚箭又不見雪中騎驢子孟浩然皺眉吟詩肩聳山饑寒富貴兩安在空有遺像留人間此身常擬同外物浮雲變化無蹤迹問君何苦寫我真君言好之聊自適黃冠野服山家客意欲置我山巖中勲名將相今何限往寫褒公與鄂公

回先生過湖州東林沈氏飲醉以石榴皮書其家東老庵之壁云西隣已富憂不足東老雖貧樂有餘白酒釀來因好客黃金散盡爲收書西蜀和仲聞而次其韻三首東老沈氏之老自謂也湖人因以名之其子偕作詩有可觀者

世俗何知貧是病神仙可學道之餘但知白酒留佳客不問黃公覓素書

其二

符離道士晨興際華岳先生尸解餘忽見黃庭丹篆句猶傳青紙小朱書

其三

淒涼雨露三年後髣髴塵埃數字餘至用榴皮緣底事中書君豈



不中書

單同年求德興俞氏聚遠樓詩三首

雲山煙水苦難新  
野草幽花各自春  
賴有高樓能聚遠  
一時收拾與閑人

其二

無限青山散不收  
雲奔浪卷入簾鉤  
直將眼力爲疆界  
何啻人間萬戶侯

其三

聞說樓居似地仙  
不知門外有塵寰  
幽人隱几寂無語  
心在飛鴻滅沒間

次韻孫職方蒼梧山

蒼梧竒事豈虛傳  
荒怪還須問子年  
遠託鰲頭轉滄海  
來依鵬背負青天  
或云靈境歸賢者  
又恐神功亦偶然  
問道新春恣遊覽  
羨君平地作飛仙

王莽

漢家殊未識經綸  
入手功名事事新  
自見穿成連夜井  
千金購得解飛人

除夜病中贈段屯田



東坡全集卷一三  
龍鍾三十九勞生已強半歲暮日斜時還爲昔人歎今年一線在  
那復堪把玩欲起強持酒故交雲雨散惟有病相尋空齋爲老伴  
蕭條燈火冷寒夜何時且劬僕觸屏風饑鼯嗅空案數朝閉閣臥  
霜髮秋蓬亂傳聞使者來策杖就梳盥書來苦安慰不怪造請緩  
大夫忠烈後高義金石貫要當擊權豪未肯覩哀懦此生何所似  
闇盡灰中炭歸田計已決此邦聊假館三徑粗成賞一枝有餘煖  
願君留信宿庶奉一笑粲

喬大博見和復次韻答之

百年三萬日老病常居半其間互憂樂歌笑雜悲歎顛倒不自知  
直爲神所玩須臾便堪笑萬事風雨散自從識此理久謝少年件  
逝將遊無何豈暇讀城旦非才更多病二事可并案愧煩賢使者  
弭節整紛亂喬侯瑚璉質清廟嘗薦盥奮髯百吏走坐變齊俗緩  
未遭甘鷓退並進耻魚貫每聞議論餘凜凜激會懦莫邪當自躍  
豈復煩爐炭便應朝秣越未暮刷燕館胡爲守故丘眷戀桑榆煖  
爲君扣牛角一咏南山粲

二人再和亦再答之

寒雞知將晨饑鶴知夜半亦如老病客遇節常感歎光陰等敲石  
過眼不容玩親友如搏沙放手還復散羈孤每自笑寂寞誰肯伴



元達號神君高論森月旦紀明本賢將汨沒事堆案欣然肯相顧  
夜閣燈火亂盤空愧不飽酒薄僅堪盥雍容許着帽不怪安石緩  
雖無窈窕人清唱弄珠貫幸有從橫舌說劍起慵慵二豪沉下位  
暗火埋濕炭豈是草玄人默默老儒館行看富貴逼炙手借餘煖  
應念苦思歸登樓賦王粲

贈上天竺辯才師

南北一山門上下兩天竺中有老法師瘦長如鸚鵡不知脩何行  
碧眼照山谷見之自清涼洗盡煩惱毒坐令一都會方丈禮白足  
我有長頭兒角煩峙犀玉四歲不知行抱負煩背腹師來爲摩頂  
起走趨奔鹿乃知戒律中妙用謝羈束何必言法華伴狂啖魚肉

遊廬山次韻章傳道

塵容已似服轅駒野性猶同縱壑魚出入巖巒千仞表較量筋力  
十年初雖無窈窕驅前馬還有鷓夷挂後車莫笑吟詩淡生活當  
令阿買爲君書

惜花

吉祥寺中錦千堆前年賞花真盛哉道人勸我清明來腰鼓百面  
如春雷打徹涼州花自開沙河塘上插花回醉倒不覺吳兒唱豈  
知如今雙鬢催城西古寺沒蒿萊有僧閉門手自栽千枝萬葉



東坡集卷之十三  
二  
剪裁就中一叢何所似馬腦盤成金縷杯而我食菜方清齋  
不飲花應猜夜來雨雹如李梅紅殘綠暗吁可哀

和頓教授見寄

我笑陶淵明種秫二頃半婦言既不用還有責子歎無絃  
何必勞撫玩我笑劉伯倫醉髮蓬萊散二豪苦不納獨以  
既死何用埋此身同夜旦孰云二子賢自結兩重接咲人  
出口談治亂一生溷塵垢晚以迨自盟無成空得賴坐此  
仄聞頓夫子講道出新貫豈無一尺書恐不記庸懦  
數米銖稱炭慙愧章先生十月坐空館袖中出子詩

狂言各須慎勿使輸薪粲

送春

夢裏青春可得追欲將詩句絆餘暉酒闌病客惟思睡  
亦懶飛芍藥櫻桃俱掃地鬢絲禪榻兩忘機憑君借取法  
洗人間萬事非

西齋

西齋深且明中有六尺牀病夫朝睡足危坐覺日長良辰既  
踽踽亦非狂褰衣竹風下穆然濯微涼起行西園中草木含幽  
榴花開一枝桑棗沃以光鳴鳩得美蔭困立忘飛翔黃鳥亦自



新音變圓吭杖藜觀物化亦以觀我生萬物各得時我生日皁皁

小兒

小兒不識愁起坐牽我衣我欲嗔小兒老妻勸兒癡兒癡君更甚  
不樂愁何為還坐愧此言洗盞當我前大勝劉伶婦區區為酒錢

寄劉孝叔

君王有意誅驕虜椎破銅山鑄銅虎聯翩三十七將軍走馬西來  
各開府南山伐木作車軸東海取鼉漫戰鼓汗流奔走誰敢後恐  
乏軍興汗質斧保甲連村團未遍方田訟牒紛如雨爾來手實降  
新書抉剔根株窮脉縷詔書惻怛信深厚吏能淺薄空勞苦平生

學問止流俗眾裏笙竽誰此數忽令獨奏鳳將雛倉卒欲吹那  
譜况復連年苦饑饉剝蓄草木啖泥土今年雨雪頗應時又報蝗  
蠱生翅股憂來洗盞欲强醉寂寞虛齋臥空甌公厨十日不生煙  
更望紅裙踏筵舞故人屢寄山中信只有當歸無別語方將雀鼠  
偷太倉未肯衣冠掛神武吳興丈人真得道平日立朝非小補自  
從四方冠蓋開歸作二浙湖山玉高蹤已自雜漁釣大隱何曾棄  
簪組去年相從殊未足問道已許談其祖逝將棄官往卒業俗緣  
未盡那得觀公家只在雪溪上上有白雲如白羽應憐進退苦皇  
皇更把安心教初祖



懷西湖寄晁美叔同年

西湖天下景遊者無愚賢深淺隨所得誰能識其全嗟我本狂直  
早爲世所捐獨專山水樂付與寧非天三百六十寺幽尋遂窮年  
所至得其妙心知口難傳至今清夜夢耳目餘芳鮮君持使者節  
風采爍雲煙清流與碧巘安肯爲君妍胡不屏騎從蹇借僧榻眠  
讀我壁間詩清涼洗煩煎策杖無道路直造意所便應逢古漁父  
菴間自負緣問道若有得買魚勿論錢

和章七出守湖州之一

方丈仙人出渺茫高情猶愛水雲鄉功名誰使連三捷身世何緣  
得兩忘早歲歸休心共在他年相見話偏長只應未報君恩重清  
夢時時到玉堂

和蔣夔寄茶

我生百事常隨緣四方水陸無不便遍州渡江適吳越三年飲食  
窮芳鮮金盞玉膾飯炊雪海螯江柱初脫泉臨風飽食甘寢罷一  
甌花乳浮輕圓自從舍舟入東武沃野便到桑麻川翦毛胡羊大  
如馬誰記鹿角腥盤筵厨中烝粟埋飯甕大杓更取酸生涎柏羅  
銅碾棄不用脂麻白土須盆研故人猶作舊眼看謂我好尚如當  
年沙溪北苑強分別水脚一線爭誰先清詩兩幅寄千里紫金百



東坡集卷之十三  
餅費萬錢吟哦烹噍兩竒絕只恐偷乞煩封纜老妻稚子不知愛  
一半已入薑鹽煎人生所遇無不可南北嗜好知誰賢死生禍福  
久不擇更論甘苦爭蚩妍知君窮旅不自釋因詩寄謝聊相鐫

荅李邦直

美人如春風著物物未知羈愁似冰雪見子先流澌子從徐方來  
吏民舉熙熙扶病出見之驚我一何衰知我久慵倦起我以新詩  
詩詞如醇酒盎然動四支徑飲不覺醉欲和先昏疲西齋有蠻帳  
風雨夜紛披放懷語不擇撫掌咲脫顛別來今幾何春物已含姿  
柳色日夜暗子來竟何時徐方雖云樂東山禁遊嬉又無狂太守  
何以解憂思聞子有賢婦華堂詠螽斯盍不倒囊橐賣劍買蛾眉  
不用教絲竹唱我新歌詞

和文與可洋州園池

湖橋

朱欄畫柱照湖明白葛烏紗曳履行橋下龜魚晚無數識君拄杖  
過橋聲

橫湖

貪看翠蓋擁紅粧不覺湖邊一夜霜卷却天機雲錦段從教匹練  
寫秋光



書軒

山昏石硯寒雲色風動牙籤亂葉聲庭下已生書帶草使君疑是  
鄭康成

冰池

不嫌冰雪遶池看誰似詩人巧耐寒記取羲之洗硯處碧瑠璃下  
黑蛟蟠

荻浦

雨折霜乾不耐秋白花黃葉使人愁月明小艇湖邊宿便是江南

鷓鴣洲

蓼蟲

秋歸南浦蟪蛄鳴霜落橫湖沙水清臥雨幽花無限思抱叢寒蝶  
不勝情

望雲樓

陰晴朝暮幾回新已向虛空付此身出本無心歸亦好白雲還似  
望雲人

溪光亭

決去湖波尙有情却隨初日動簷楹溪光自古無人畫憑仗新詩  
與寫成



管營谷

漢川脩竹賤如蓬  
斤斧何曾赦  
籜龍料得清貧饑  
太守渭濱千畝  
在胸中

寒蘆港

溶溶晴港漾春暉  
蘆笋生時柳絮飛  
還有江南風物否  
桃花流水  
鱖魚肥

野人廬

少年辛苦事犁鋤  
剛厭青山遶故居  
老覺華堂無意味  
却須時到  
野人廬

此君菴

寄語菴前抱節君  
與君到處合相親  
寫真雖是文夫子  
我亦真堂  
作記人

金橙徑

金橙縱復里人知  
不見鱸魚價自低  
須是松江煙雨裏  
小舩燒薤  
擣香齏

南園

不種天桃與綠楊  
使君應欲候農桑  
春畦雨過羅紈膩  
夏壠風來  
餅餌香



東坡集卷之七十六

詩

眉山蘇軾東坡氏著

古今體四十一首

玉盤盃 并序

東武舊俗每歲四月大會于南禪資福兩寺以芍藥供佛而今歲最盛凡七千餘朵皆重拊累萼繁麗豐碩中有白花正圓如覆盃其下十餘葉稍大承之如盤姿格絕異獨出于七千朵之上云得之於城北蘇氏園中周宰相莒公之別業也而其名俚甚乃為易之



東坡集卷一  
雜花狼藉占春餘，芍藥開時掃地無。兩寺粧成寶纓絡，一枝爭看玉盤盃。佳名會作新翻曲，絕品難尋舊畫圖。從此定知年穀熟，姑山親見雪肌膚。

次韻劉貢父李公擇見寄

白髮相望兩故人，眼看時事幾番新。曲無和者應思郢，論稍卑之且借秦。歲惡詩人無好語，夜長鰥守向誰親。少思多睡無如我，鼻息雷鳴撼四隣。

次韻周邠寄鴈蕩山圖

西湖三載與君同，馬入塵埃鶴入籠。東海獨來看出日，石橋先去踏長虹。遙知別後添華髮，時向樽前說病翁。所恨蜀山君未見，他年攜手醉郛筒。

和晁同年九日見寄

仰看鸞鵠刺天飛，富貴功名老不思。病馬已無千里志，騷人長負一秋悲。古來重九皆如此，別後西湖付與誰。遣子窮愁天有意，吳中山水要清詩。

至濟南李公擇以詩相迎次其韻

夜擁笙歌雪水濱，回頭樂事總成塵。今年送汝作太守，到處逢君是主人。聚散細思都是夢，身名漸覺老非親。相從繼燭何須問，蝙蝠



蝠飛時日正長

書韓幹牧馬圖

南山之下沂渭之間想見開元天寶年八坊分屯隘秦川四十萬  
匹如雲煙騅駟駱驪騮駟白魚赤兔驂皇輪龍顛鳳頸獬且妍  
竒姿逸德隱鶩頰碧眼胡兒手足鮮歲時翦刷供帝閑柘袍臨池  
侍三千紅妝照日光流淵樓下玉麟吐清寒往來蹙躡生飛湍衆  
工舐筆和朱鈇先生曹霸弟子韓廐馬多肉脯員肉中畫骨誇  
尤難金羈玉勒繡羅鞍鞞筆刻烙傷天全不如此圖近自然平沙  
細草荒芊綿驚鴻脫兔爭後先王良挾策飛上天何必俛首服短

轅

送魯元翰少卿知衛州

冗士無處著寄身范公園桃花忽成陰薺麥秀已繁閉門春晝永  
唯有黃蜂喧誰人肯攜酒共醉榆柳邨顛卿獨何者一月三到門  
我不往拜之顛來意彌敦堂堂元老後豐豐仁人言憶在錢塘歲  
情好均弟昆時於冰雪中笑語作春溫欲飲徑相覓夜開叢竹軒  
搜尋到篋笥酢鱸無復存每愧煙火中玉腕親炮燔別來今幾何  
相對如夢魂告我當此渡新詩侑清尊坡陀大行麓洶湧黃河翻  
仕宦非不遇王畿西北垣斯民如魚耳見網則驚奔皎皎千丈清



東坡集卷十一  
不如尺水渾刑政雖首務念當養其源一聞袴襦音盜賊安足論

東關梨花

梨花澹白柳深青柳絮飛時花滿城惆悵東關一株雪人生看得  
幾清明

和子由與顏長道同遊百步洪相地築亭種柳

平明坐衙不暖席歸來閉閣閑終日臥聞客至倒屣迎兩眼蒙籠  
餘睡色城東泗水步可到路轉河洪翻雪白安得青絲絡駿馬蹙  
踏飛波柳陰下奮身三丈兩蹄間振鬣長鳴聲自乾少年狂興久  
已謝但憶嘉陵遠劍關劍關大道車方軌君自不去歸何難山中  
故人應大笑築室種柳何時還

與梁先舒煥泛舟

老守厭簿書先生罷函丈風流魏晉間談笑羲皇上河洪忽已過  
水色綠可釀君無輕此樂此樂清且放

次韻荅邦直子由

簿書顛倒夢魂間知我踈慵肯見原閑作閉門僧舍冷病聞吹枕  
海濤喧忘懷杯酒逢人共引睡文書信手翻欲吐狂言喙三尺怕  
君嗔我却須吞

其二



君雖爲我此遲留別後淒涼我已憂不見便同千里遠退歸終作  
十年遊恨無揚子一區宅懶臥元龍百尺樓聞道鷓鴣滿臺閣網  
羅應不到沙鷗

子由將赴南都與余會宿於逍遙堂作兩絕句讀之殆不可  
爲懷因和其詩以自解余觀子由自少曠達天資近道又得  
至人養生長年之訣而余亦竊聞其一二以爲今者宦遊相  
別之日淺而異時退休相從之日長旣以自解且以慰子由  
云

別期漸近不堪聞風雨蕭蕭已斷魂猶勝相逢不相識形容變盡

詩音存

子由轍幼從子瞻兄讀書未嘗一日相舍旣壯將宦遊四方

詩附轍蘇州詩有二云那知風雨夜復此對床眠惻然感之乃

讀帛蘇州詩有云那知風雨夜復此對床眠惻然感之乃

相約早退爲閑号之樂故子瞻始爲鳳翔幕官留詩與轍

日夜雨何時聽蕭瑟其後子瞻通守餘杭復移守膠西而

轍滯留於淮陽濟南不見者七年熙寧十年三月始復會

於澶濮之間相從彭城留百餘日時宿於逍遙臺追感前  
約作小詩

逍遙堂後千尋木長送中宵風雨聲悞喜對床尋舊約不知漂



泊在彭城

留題石經院二首

蒼舊門前路行穿翠密中却來堂上看巖谷意無窮

其二

窈窕山頭并潛通伏澗清欲知深幾許聽放轆轤聲

荅任師中家漢公

先君昔未仕杜門皇祐初道德無貧賤風采照鄉閭何嘗疎小人  
小人自闊疎出門無所詣老史在郊墟門前萬竿竹堂上四庫書  
高樹紅消梨小池白芙蓉常呼赤脚婢雨中擷園蔬矯矯任夫子

罷官還舊廬是時里中兒始識長者車烹雞酌白酒相對歡有餘  
有如龐德公往還葛與徐妻子走堂下主人竟誰歟我時年尚幼  
作賦慕相如侍立看君談精悍實起予歲月曾幾何耆老逝不居  
史侯最先沒孤墳拱桑槁我亦涉萬里清血滿襟袪漂流二十年  
始悟萬緣虛獨喜任夫子老佩刺史魚威行烏白蠻解辦請冠裾  
方當入奏事清廟陳璠璣胡爲厭軒冕歸意不少紆上蔡有良田  
黃沙走清渠罷亞百頃稻雍容十年備閑隨李丞相搏射鹿與豬  
蒼鷹十斤重猛犬如黃驢豈比陶淵明窮苦自把鋤我今四十二  
衰髮不滿梳彭城古名郡乏人偶見除頭顱已可知幾何不樵漁



會當相從去芒鞋老苗畚念子瘴江邊懷抱向誰據賴我同年友  
相歡出同輿冰盤薦文鮪玉笋傾浮蛆醉中忽思我清詩綴瓊瑤  
知我少詼諧教我時卷舒世事日反覆翩如風中旗雀羅弔廷尉  
秋扇悲婕妤升沉一何速喜怒哀紛衆狙作詩謝二子我師甯與蘧

初別子由

我少知子由天資和而清好學老益堅表裏漸融明豈獨爲吾弟  
要是賢友生不見六七年微言誰與廣常恐坦率性放縱不自程  
會合亦何事無言對空枰使入之意消不善無由萌森然有六女  
包裹布與荆無憂賴賢婦藜藿等大烹使子得行意青衫陋公卿

明日無晨炊倒床作雷鳴秋眠我東閣夜聽風雨聲懸知不久別  
妙理重細評昨日忽出門孤舟轉西城歸來北堂上古屋空崢嶸  
退食悞相從入門中自驚南都信繁會人事水火爭念當閉閣坐  
頽然寄藁言妻子亦細事文章固虛名會須掃白髮不復用黃精

次韻呂梁中屯田

雨葉風花日夜稀一杯相屬竟何時空虛豈敢酬瓊玉枯朽猶能  
出茵芝門外呂梁從迅急胸中雲夢自逶遲待君筆力追靈運莫  
負南臺九日期

韓幹馬十四疋



二馬並驅攢八蹄二馬宛頸駿尾齊一馬任前雙舉後一馬却避  
長鳴嘶老髯奚官騎且顧前身作馬通馬語後有八疋飲且行微  
流赴吻若有聲前者既濟出林鶴後者欲涉鶴俛啄最後一疋馬  
中龍不嘶不動尾搖風韓生畫馬真是馬蘇子作詩如見畫世無  
伯樂亦無韓此詩此畫誰當看

讀孟郊詩二首

夜讀孟郊詩細字如牛毛寒燈照昏花佳處時一遭孤芳擢荒穢  
苦雨餘詩騷水清石鑿鑿湍激不受篙初如食小魚所得不償勞  
又似煮彭越竟日嚼空整要畧留關僧清未足當韓豪人生如朝露

日夜火消膏何苦將兩耳聽此寒蟲號不如且置之飲我玉卮醪

其二

我憎孟郊詩復作孟郊語饑腸自鳴喚空壁轉饑鼠詩從肺腑出  
出輒愁肺腑有如黃河魚出膏以自煮尙愛銅斗歌鄙俚頗近古  
桃弓射鵝罷獨速短筇衰無不憂踏船翻踏浪不踏土吳姬霜雪白  
赤脚浣白紵嫁與踏浪兒不識離別苦歌君江湖曲感我長羈旅

訪張山人

萬木鎖雲龍天畱與戴公路迷山向背人在灑西東薺麥餘春雪  
櫻桃落晚風入城都不記歸路醉眠中



與梁左藏會飲傳國博家

將軍破賊自草檄論詩說劍俱第一彭城老守本虛名識字劣能  
欺項籍風流別駕貴公子欲把笙歌暖鋒鏑紅旆朝開猛士噪翠  
帷暮卷佳人出東堂醉臥呼不起啼鳥落花春寂寂試教長笛傍  
耳根一聲吹裂堦前石

約公擇飲是日大風

先生生長匡廬山山中讀書三十年舊聞飲水師顏淵不知治劇  
乃所便偷兒夜探赤白丸僧髻忽逢朱子元半年羣盜誅七百誰  
信家書藏九千春風無事秋月閒紅粧執樂豪且妍紫衫玉帶兩

部全琵琶一抹四十絃客來留飲不計錢齊人愛公如子產見  
臥路呼不還我慙山郡空留連牙兵部吏笑我寒邀公飲酒公無  
難約束官奴買花鈿薰衣理鬢夜不眠曉來顛風塵暗天我忘其  
由豈坐慳作詩愧謝公笑謹歸來瑟縮愈不安要當啖公八百里  
豪氣一洗儒生酸

起伏龍行并叙

徐州城東二十里有石潭父老云與泗水通增損清濁相應不差  
時有河魚出焉元豐元年春旱或云置虎頭潭中可以置雷雨用  
其說作起伏龍行一首



何年白竹千鈞弩射殺南山雪毛虎至今顛骨帶霜牙尙作四海  
毛蟲祖東方久旱千里赤三月行人以生土碧潭近在古城東神  
物所蟠誰敢侮上歆蒼石擁巖竇下應清河通水府眼光作電走  
金蛇鼻息爲雲摧炮縷當年負圖傳帝命左右羲軒詔神禹爾來  
懷寶但貪眠滿腹雷霆瘖不吐赤龍白虎戰明日倒卷黃河作飛  
雨嗟吾豈樂鬪兩雄有事徑須煩一怒

次韻答劉涇

吟詩莫作秋蟲聲天公怪汝鈞物情使汝未老華髮生芝蘭得雨  
蔚青青何用自燔以出馨細書千紙雜真行新音百變口如鸞翼  
議蜂起弟子爭舌翻濤瀾卷齊城萬卷堆胸刃相撐以病爲樂子  
未驚我有至味非煎烹是中之樂吁難名綠槐如山闌廣庭飛蟲  
繞耳紕而清敗席展轉臥看經亦自不嫌翠織成意行信足無溝  
坑不識五郎呼作卿吏民哀我老不明相戒毋復煩鞭刑時臨泗  
水照星星微風不起鏡面平安得一舟如葉輕臥聞郵籤報水程  
蓴羹羊酪不須評一飽且救饑腸鳴

僕曩於長安陳漢卿家見吳道子畫佛碎爛可惜其後十餘  
年復見之於鮮于子駿家則已裝背完好子駿以見遺作詩

謝之



貴人金多身復閒，爭買書畫不計錢。已將鐵石充逸少，更補朱繇  
爲道玄煙薰。屋漏裝玉軸，鹿皮蒼壁知誰賢。吳生畫佛本神授，夢  
中化作飛空仙。覺來落筆不經意，神妙獨到秋毫顛。我昔長安見  
此畫，歎惜至寶空潛然。素絲斷續不忍看，已作胡蝶飛聯翩。君能  
收拾爲補綴，體質散落嗟神全。志公髣髴見刁尺，修羅天女猶雄  
妍。如觀老杜飛鳥句，脫字欲補知無緣。問君乞得良，有意欲將俗  
眼爲洗滌。貴人一見定羞作錦囊，千紙何足捐。不須更用博麻縷，  
付與一炬隨飛煙。

雨中過舒教授

疎疎簾外竹瀟瀟，竹間雨窓屏靜無塵。几硯寒生霧，美人樂幽獨。  
有得緣無慕，坐依蒲褐禪。起聽風旣語，客來淡無有。灑掃涼冠履，  
濃茗洗積昏。妙香淨浮慮，歸來北堂閣。一一微螢度，此生憂患中。  
一餉安閒處，飛鳶悔前笑。黃犬悲晚悟，自非陶靖節，誰識此間趣。

答仲屯田

秋來不見漢陂岑，千里詩盟忽重尋。大木百圍生遠籟，朱絃三嘆  
有遺音。清風卷地收殘暑，素月流天掃積陰。欲遣何人賡絕唱，滿  
堦桐葉候蟲吟。

次韻答王定國



東坡集卷之二十六  
每得君詩如得書  
宣心寫妙書不如眼前百種無  
不有知君一以詩驅除傳聞都下十日雨青泥沒馬街生魚舊雨來人今不來  
油然獨酌臥清虛我雖作郡古去樂出川信美非吾廬願君不廢重九約念此衰冷勤呵噓

中秋月

六月逢此月五年照離別  
歌君別時曲滿坐爲淒咽  
留都信繁麗此會豈輕擲  
鎔銀百頃湖挂鏡千尋闕  
三更歌吹罷人影亂清樾  
歸來比堂下寒光翻露葉  
喚酒與婦飲念我向兒說  
豈知衰病後空盞對梨栗  
但見古河東麴麥如鋪雪  
欲和去年曲復恐心斷絕

百步洪 并序

王定國訪余於彭城一日棹小舟與顏長道攜盼英卿三子游泗水北上聖女山南下百步洪吹笛飲酒乘月而歸余時以事不得往夜着羽衣佇立於黃樓上相視而笑以爲李太白死世間無此樂三百餘年矣定國旣去逾月復與參寥師放舟洪下追懷曩游已爲陳迹喟然而嘆故作詩一以遺參寥一以寄定國且示顏長道舒堯文邀同賦云

長洪斗落生跳波輕舟南下如投梭  
水師絕叫鳧雁起亂石一線爭磋磨  
有如兔走鷹隼落駿馬下注千丈坡  
斷絃離柱箭脫手飛



電過隙珠翻荷四山眩轉風掠耳但見流沫生千渦嶮中得樂雖  
一快何異水伯夸秋河我生乘化日夜逝坐覺一念逾新羅紛紛  
爭奪醉夢裏豈信荆棘埋銅駝覺來俯仰失千劫回視此水殊委  
蛇君看岸邊蒼石上古來篙眼如蜂窠但應此心無所住造物雖  
駛如余何回船上馬各歸去多言嘵嘵師所呵

夜過舒堯文戲作

先生堂前霜月苦弟子讀書喧兩廡推門入室書縱橫蠅紙燈籠  
晃雲母先生骨清少眠臥長夜默坐數更鼓耐寒石硯欲生冰得  
火銅餅如過雨郎君欲出先自贊坐客斂衽誰敢侮明朝阮籍過

阿戎應作羲之羨懷祖

雲龍山觀燒得雲字

丁亥真水妃寒山便火耘隕霜知已殺培戶聽初焚束緼方熠燿  
敲石俄氤氳落點甘泉烽橫煙楚塞氛窮地上喬木潛蛟躡浮雲  
驚飛墮傷雁狂走迷癡麇谷蟄起蝸鸞山妖竄夔獫野竹爆哀聲  
幽桂飄窈芬悲同秋照蠓快若夏燎蚊火牛入燕壘燧象奔吳軍  
崩騰并陘口萬馬皆朱噴搖曳驪山陰諸姨爛紅裙方隨長風卷  
忽值絕澗分我本山中人習見匪獨聞偶從二三子來訪張隱君  
君家亦何有物象移朝曛把酒看飛燼空庭落繽紛行觀農事起



畦壠如纈紋細雨發春  
穎巖霜倒秋賁始知一炬力洗盡狐兔羣  
種松得徠字

春風吹榆林亂葉飛作  
堆荒園一雨過戢戢千萬栽青松種不生  
百株望一枚一枚已有  
餘氣壓千畝槐野人易斗粟云自魯徂徠  
魯人不知貴萬竈飛青  
煤束縛同一車胡爲乎來哉泫然解其縛  
清泉洗浮埃枝傷葉尙  
困生意未肯回山僧老無子養護如嬰孩  
坐待忝龍蛇清陰滿南  
臺孤根裂山石直幹排風雷我今百日客  
養此千歲材茯苓無  
浦息雙鬢日夜摧古今一俛仰作詩寄餘哀  
往在東武與人往  
反作樂字韻詩四首今黃魯直亦次韻見

寄復和答之

符堅破荊州止獲一人  
半中郎老不遇但喜識元歎我今獨何幸  
文字厭奇玩又得天下  
才相從百憂散陰求我輩人規作林泉伴  
寧當待垂老倉卒收一  
旦不見梁伯鸞空對孟光案才難不期然  
婦女厠周亂世豈無  
作者於我如旣灌獨喜誦君詩咸韶音節緩  
夜光一已多矧獲壘壘  
貫相思君欲瘦不往我真懦吾儕眷微祿  
寒夜抱寸炭何時定相  
過徑就我乎館飄然東南去江水清且渙  
相與訪名山微言師忍  
粲

以雙刀遺子由子由有詩次其韻



寶刀匣不見但見龍雀鏤何曾斬蛟虵亦未切琅玕胡爲穿箭韋  
見之要領寒吾刀不汝問有愧在其肝念此乃自藏包之虎皮斑  
湛然如古井終歲不復瀾不憂無所用憂在用者難佩之非其人  
匣中自長嘆我老衆所易屢遭非意干惟有王玄通堦庭秀芝蘭  
知子後必大故擇刀所便屠狗非不用一歲六七刃欲試百鍊剛  
要須更泥蟠作詩銘其背以待知者看

次韻田國博部夫南京見寄

歲月翩翩下坂輪歸來杏子已生仁深紅落盡東風惡柳絮榆錢  
不啻春

送蜀人張師厚赴殿試

忘歸不覺鬢毛斑好事鄉人尙往還斷嶺不遮西望眼送君直過  
楚王山

罷徐州往南京馬上走筆寄子由


父老何自來花枝曩長紅洗琰拜馬前請壽使君公前年無使君  
魚鼈化兒童舉鞭謝父老正坐使君窮窮人命分惡所向招災凶  
水來非吾過去亦非吾功

余去金山五年而復至次舊詩韻贈寶覺長老

誰能酒博西涼但愛齋厨法鼓香舊事真成一夢過高談爲洗五



東坡集卷之二十七  
年忙清風偶與山阿曲明月聊隨屋角方稽首願師憐久客直將  
歸路指茫茫



東坡集卷之七十七

詩

眉山蘇軾東坡氏著

古今體五十五首

乘舟過賈收水閣收不在見其子

愛酒陶元亮能詩張志和青山來水檻白雨滿漁蓑淚垢添丁面  
貧低舉案蛾不知何所樂竟夕獨酣歌

次韻李公擇梅花

詩人固長貧日午饑未動偶然得一飽萬象困嘲弄尋花不論命  
愛雪長忍凍天公非不憐聽飽即喧闕君為三郡守所至滿賓從



東坡集卷之二十一  
江湖常在眼詩酒事豪縱奉使今折磨清比於陵仲永懷茶山下  
攜妓脩春貢更憶檻泉亭插花雲鬢重蕭然臥瀟麓愁聽春禽哢  
忽見早梅花不飲但孤諷詩成獨寄我字字愈頭痛嗟君本寺臣  
筆橐從上雍脫鞵吟芍藥給札賦雲夢何人慰流落喜聽天爲種  
杯傾笛中吟帽拂果下鞋感時念羈旅此意吾儕共故山亦何有  
桐花集么鳳君亦憶匡廬歸掃藏書洞何當種此花各抱漢陰壘  
城南縣尉水亭得長字

兩尉鬱相望東南百步塲揮旗蒲柳市伐鼓水雲鄉已作觀魚檻  
仍開射鵝堂全家住畫舫極目亂紅粧激激波頭細疎疎雨脚長  
我來閑濯足溪漲欲浮牀滢國山圍裏孤城水影傍欲知歸路處  
韋外記風檣

張先生并叙

先生不知其名黃州故縣人本姓盧爲張氏所養陽狂垢汗寒暑  
不能侵常獨行市中夜或不知其所止往來者欲見之多不能致  
余試使人召之欣然而來既至立而不言與之言不應使之坐不  
可但俯仰熟視傳舍堂中久之而去夫孰非傳舍者是中境何有  
乎然余以有思惟心追躡其意蓋未得也

熟視空堂竟不言故應知我未天全肯來傳舍人皆說能致先生



子亦賢脫屣不妨眠糞屋流澌爭看浴水川士廉豈識桃椎妙妄  
意稱量未必然

初到黃州

自笑平生爲口忙老來事業轉荒唐長江遶郭知魚美好竹連山  
覺筍香逐客不妨員外置詩人例作水曹郎只慙無補絲豪事尙  
費官家壓酒囊

寓居定惠院之東雜花滿山有海棠一株土人不知貴也

江城地瘴蕃草木只有名花苦幽獨嫣然一笑竹籬間桃李漫山  
總麤俗也知道造物有深意故遣佳人在空谷自然富貴出天姿不  
待金盤薦華朱唇得酒暈生臉翠袖卷紗紅映肉林深霧暗曉光  
遲日暖風輕春睡足雨中有淚亦悽愴月下無人更清淑先生食  
飽無一事散步逍遙自捫腹不問人家與僧舍拄杖敲門看脩竹  
忽逢絕艷照衰朽歎息無言指病目陋邦何處得此花無乃好事  
移西蜀寸根千里不易到街子飛來定鴻鵠天涯流落俱可念爲  
飲一樽歌此曲明朝酒醒還獨來雪落紛紛那忍觸

雨中看牡丹

明日雨當止晨光在松枝清寒入花骨肅肅初自持午景發穠麗  
一笑當及時依然暮還斂亦自惜幽姿



東坡集卷十一  
三  
王齊萬秀才寓居武昌縣劉郎洑正與伍洲相對伍子胥奔  
吳所從渡江也

君家稻田冠西蜀擣玉揚珠三萬斛塞江流枿起書樓碧瓦朱欄  
照山谷傾家取樂不論命散盡黃金如轉燭惟餘舊書一百車方  
舟載入荆江曲江上青山亦何有伍洲遙望劉郎藪明朝寒食當  
過君請殺耕牛壓私酒與君飲酒細論文酒酣訪古江之濱仲謀  
公瑾不須弔一酌波神英烈君

定惠顯師爲余竹下開嘯軒

啼鳩催天明喧喧相詆譏暗蛩泣夜永唧唧自相弔飲風蟬至潔  
長吟不改調食土蚓無腸亦自終夕叫鳶貪聲最鄙鵲喜意可料  
昔緣不平鳴慟哭等嬉笑阮生已麤率孫子亦未妙道人開此軒  
清坐默自照衝風振河海不能號無竅累盡吾何言風來竹自嘯

遷居臨皋亭

我生天地間一蟻寄大磨區區欲右行不救風輪左雖云走仁義  
未免違寒餓劍米有危炊鍼種無穩坐豈無佳山水借眼風雨過  
歸田不待老勇決凡幾箇幸茲廢棄餘疲馬解鞍馱全家古江驛  
絕境天爲破磯貧相乘除未見可弔賀澹然無憂樂苦語不成此  
曉至巴河口迎子由



去年御史府舉動觸四壁幽幽百尺井仰天無一席隔牆聞歌呼  
自恨計之失留詩不忍寫苦淚漬紙筆餘生復何幸樂事有今日  
江流鏡面靜煙雨輕幕幕孤舟如鳧鷖點破千頃碧聞君在磁湖  
欲見隔咫尺朝來好風色旗尾西北擲行當中流見笑眼青光溢  
此邦疑可老脩竹帶泉石欲買柯氏林茲謀待君必

次韻答子出

平生弱羽寄衝風此去歸飛識所從好語似珠穿一一忘心如膜  
退重重山僧有味寧知子瀧吏無言口笑儂尙有讀書清淨業未  
容春睡敵千鍾

次韻子由病酒肺疾發

憶子少年時肺喘疲坐臥喊呀或終日勢若風雨過虛陽作浮漲  
各冷仍下墮妻孥恐悵望膾炙不登坐終年禁晚食半夜發清餓  
胃強鬲苦滿肺斂腹輒破三彭次啖齧一豎肯連播寸田可治生  
誰勸耕黃稌新法方田謂上腴爲黃稌探懷得真藥不待君臣佐初如雪花積  
漸作櫻珠大隔牆聞三燕隱隱如轉磨自茲失故疾陽唱陰輒和  
神仙多歷試中路或坎坷平生不盡器痛飲知無奈舊人眼看盡  
老伴餘幾箇殘年一斗粟待子同春籛云何不自珍醉病又一挫  
真源結梨棗世味等糠莖耕耔當待穫願子勸自課相將賦遠遊



仙語不用此

正月二十日往岐亭郡人潘古郭三人送余於女王城東禪

莊院

十日春寒不出門不知江柳已搖村  
稍聞泱泱流水谷盡放青青  
沒燒痕數畝荒園留我住半甕濁酒待君溫  
去年今日關山路細  
兩梅花正斷魂

東坡八首 并叙 原本選七

余至黃二年日以困匱故人馬正卿哀余乏食爲於郡中請故營地數十畝使得躬耕其中地既久荒爲茨棘瓦礫之場而歲又大旱墾闢之勞筋力殆盡釋耒而歎乃作是詩自愍庶幾來歲之入以忘其勞焉

其一

廢壘無人顧頽垣滿蓬蒿誰能捐筋力歲晚不償勞  
獨有孤旅人天窮無所逃端來拾瓦礫歲旱土不膏  
崎嶇草棘中欲刮一寸毛喟焉釋耒歎我廩何時高

其二

荒田雖浪莽高庫各有適下隰種秔社東原蒔棗栗  
江南有蜀士桑果已許乞好竹不難栽但恐鞭橫逸  
仍須卜佳處規以安我室



家童燒枯草走報暗井出一飽未敢期瓢飲已可必

其三

自惜有微泉來從遠嶺背穿城過聚落流惡壯蓬艾去為柯氏陂  
十畝魚蝦會歲旱泉亦竭枯萍粘被塊昨夜南山雲雨到一犁外  
泫然尋故瀆知我理荒蒼泥芹有宿根一寸嗟獨在雪芽何時動

春鳩行可膾

蜀人貴芹芽膾  
雜鳩肉作之

其四

種稻清明前樂事我能數毛空暗春澤鋤水聞好語蜀人以細雨  
為雨毛稻初  
生時農夫相分秧及初夏漸喜風葉舉月明看露上一珠垂縷  
語稻鋤水矣

秋來霜穗重顛倒相撐拄但聞畦壠間蚱蟊如風雨

蜀中稱熟時  
蚱蟊羣飛田

間如小蝗狀而不害稻新春便入甑玉粒照筐筥我久食官倉紅腐等泥土

行當知此味口腹吾已許

其五

良農惜地力幸此十年荒桑柘未及成一麥庶可望投種未逾月

覆塊已蒼蒼農夫告我言勿使苗葉昌君欲富餅餌要須縱牛羊

再拜謝苦言得飽不敢忘

其六

種棗期可剝種松期可斲事在十年外吾計亦已慙十年何足道



千載如風電舊聞李衡奴此策疑可學我有同舍郎官居在瀟岳

李公遺我三寸柑照坐光卓犖自裁僕可致當及春冰渥想見竹

籬間青黃垂屋角

其七

馬生本窮士從我二十年日夜望我貴求分買山錢我今反累生

借耕輟茲田刮毛龜背上何時得成羶可憐馬生癡至今誇我賢

衆笑終不悔施一當獲千

姪安節遠來夜坐

心衰面改瘦崢嶸相見惟應識舊聲永夜思家在何處殘年知汝

遠來情畏人默坐成癡鈍問舊驚呼半死生夢斷酒醒山雨絕笑

看饑鼠上燈檠

樂全先生生日以鐵拄杖為壽一首

先生真是地行仙住世因循五百年每向銅人話疇昔故教鐵杖

鬪清堅入懷冰雪生秋思倚壁蛟龍護晝眠遙想人天會方丈衆

中驚倒野狐禪

其二

三年相伴影隨身踏遍江湖草木春撻石舊痕猶作眼閉門高節

欲生鱗畏塗自衛真無敵捷徑爭先劫累人遠寄知公不嫌重筆



端猶自幹千鈞

和王鞏四首

少年帶刀劍但識從軍樂老大服犁鋤解佩付鎔鑠雖無獻捷功  
會賜力田爵敲冰春擣紙刈葦秋織箔櫟林斬冬炭竹塢收夏籜  
四時俯有取一飽天所酢君生紉綺間欲學非其脚左右玉織織  
束薪誰爲縛勿令聞此語翠黛頰將惡笑我一聞弟婦姑紛六鑿  
鄰里有異趣何妨傾蓋新殊方君莫厭數面自成親默坐無餘事  
同光照此身他年赤墀下玉立看垂紳

其二

其三

平生我亦輕餘子晚歲人誰念此翁巧語屢曾遭慧苴度詞聊復  
託芳藟子還可責同元亮妻却差賢勝敬通若問我貧大所賦不  
因遷謫始囊空

其四

君家玉臂貫銅青下客何時見目成勤把鉛黃記宮樣莫教絃管  
作蠻聲薰衣漸歎衙香少擁髻遙憐夜語清記取北歸攜過我南

江風浪雪山傾

君自南江赴  
任不一過我

正月二十日與潘郭二生出郊尋春忽記去年是日同至女



王城作詩乃和前韻

東風未肯入東門走馬還尋去歲村人似秋鴻來有信事如春夢  
了無痕江城白酒三杯醺野老蒼顏一笑溫已約年年爲此會故  
人不用賦招魂

陳季常見過

仕宦常畏人退居還喜客君來輒留我未覺雞黍窄東坡有奇事  
已種十畝麥但得君眼青不辭奴飯白

寒食雨

自我來黃州已過三寒食年年欲惜春春去不容惜今年又苦雨  
兩月秋蕭瑟臥聞海棠花泥汗臘暗雪暗中偷負去夜半真有力  
何殊病少年病起頭已白

魚蠻子

江淮水爲田舟楫爲室居魚蝦以爲糧不耕自有餘異哉魚蠻子  
本非左衽徒連排入江住竹瓦三尺廬於焉長子孫咸施且侏儒  
擘水取魴鯉易如拾諸途破釜不着鹽雪鱗芼青蔬一飽便甘寢  
何異獺與狙人間行路難踏地出賦租不如魚蠻子駕浪浮空虛  
空虛未可知會當美舟車蠻子叩頭泣勿語桑大夫

弔李臺卿并敘



李臺卿字明仲廬州人貌陋甚性介不羣而博學強記罕見其比  
好左氏有史學考正同異多所發明知天文律曆千載之日可坐  
數也軾謫居黃州臺卿爲麻城主簿始識之既罷居於廬而曹光  
州演甫以書報其亡臺卿元州之妻黨也  
我初未識君人以君爲笑垂頭老鶴鶴煙雨霾七竅敝衣來過我  
危坐若持釣褚袞半面新醜殘一語妙徐徐涉其瀾極望不得微  
却觀元嫵媚士固難輕料看書眼如月罅隙靡不照我老多遺忘  
得君如再少從橫通雜藝甚博且知要所恨言無文至老幽不耀  
其生世莫識已死誰復弔作詩遺故人庶解俗子譙

六年正月二十日復出東門

亂山環合水侵門身在淮南盡處村五畝漸成荒歲計九重新掃  
舊巢痕豈惟見慣沙鷗熟已覺來多釣石溫長與東風約今日晴  
香先返玉梅魂

南堂

掃地焚香閉閣眠簟紋如水帳如煙客來夢覺知何處挂起西窗  
浪接天

次韻孔毅甫久旱已而甚雨三首

饑人忽夢飯甌溢夢中一飽百憂失只知夢飽本來空未悟真饑



定何物我生無田食破硯爾來硯枯磨不出去年大歲空在酉傷  
舍壺漿不容乞今年旱勢復如此歲晚何以黔吾突青天蕩蕩呼  
不聞况欲稽首號泥佛甕中蜥蜴猶可笑跛跛脉脉何等秩陰陽  
有時雨有數民是~~天民~~天自郵我雖窮苦不如人要亦自是民之  
一形容可似喪家狗未肯弭耳爭投骨倒冠落幘謝朋友獨與蚊  
雷共~~圭~~辜故人嗔我不開門君視我門誰肯屈可憐明月如潑水  
夜半清光翻我室風從南來非雨候且爲疲人洗蒸鬱褰裳一和  
快哉謠未暇饑寒念明日

其二

去年東坡拾瓦礫自種黃桑三百尺今年刈草蓋雪堂日炙風吹  
面如墨平生懶惰今始悔老大觀農天所直沛然例賜三尺雨造  
化無心况難測四方上下同一雲甘澤不爲龍所隔俗有分龍日蓬蒿  
下濕迎曉未燈火新涼催夜織老夫作罷得甘寢臥聽墻東人響  
屐奔流未已坑谷平折葦枯荷恣漂溺腐儒麤糲支百年力耕不  
受衆目憐破陂漏水不耐旱人力未至求天全會當作塘徑千步  
橫斷西北遮山泉四鄰相率助舉杵人人知我囊無錢明年共看  
決渠雨饑飽在我寧關天誰能伴我田間飲醉倒惟有支頭輓

其二



天公號令不再出十日愁霖併爲一君家有田水冒田我家無田  
憂入室不如西州楊道士萬里隨身惟兩膝沿流不惡沂亦佳一  
葉扁州任漂突山芎麥麩都不用泥行露宿終無疾夜來饑腸如  
轉雷旅愁非酒不可開楊生自言識音律洞簫入手清且哀不須  
更待秋井塌見人白骨方銜盃

初秋寄子由

百川日夜逝物我相隨去惟有宿昔心依然守故處憶在懷遠驛  
閉門秋暑中藜羹對書史揮汗與子同西風忽淒厲萬葉穿戶牖  
反感歎執我手朱顏不可恃此語君莫疑別離恐不免

功名定難期當時已悽斷况此兩衰老失塗旣難追學道恨不早  
買田秋已議築室春當成雪堂風雨夜已作對床聲

次韻王鞏南遷初歸

江家舊池臺脩竹圍一尺歸來萬事非惟見秦淮碧平生痛飲處  
遺墨鴉棲壁西來故父客金印雜鳴鏑三槐老更茂花絮春寂寂  
中微未可料家廟藏赤舄

子由作二頌頌石臺長老同公手寫蓮經字如黑蟻且誦萬  
遍脇不至席二十餘年予亦作二首

眼前擾擾黑蚍蜉口角霏霏白唾珠要識吾師無礙處試將燒却



看嗔無

其二

眼睛心地兩虛圓  
腸不露床二十年  
誰信吾師非不睡  
睡蛇已外得安眠

徐君猷挽詞

一舸南遊遂不歸  
清江赤壁照人悲  
請看行路無從涕  
盡是當年不忍欺  
雪後獨來栽柳處  
竹間行復採茶時  
山城散盡樽前客  
舊恨新愁只自知

海棠

東風嫋嫋泛崇光  
香霧霏霏月轉廊  
只恐夜深花睡去  
更燒高燭照紅粧

東坡

雨洗東坡月色清  
市人行盡野人行  
莫嫌犖确坡頭路  
自愛鏗然曳杖聲

別黃州

病瘡老馬不任鞿  
猶向君王得做帷  
桑下豈無三宿戀  
樽前聊與一身歸  
長腰尙載撐腸米  
闊領先裁蓋瘦衣  
投老江湖終不失  
來時莫遣故非



別子由

先君昔愛洛城居我今亦過嵩山麓水南卜宅吾豈敢試向伊川  
買脩竹又聞緱山好泉眼傍布穿林瀉水玉遙想茹軒照水開兩  
翁相對清如鶴

子由在筠作東軒記或戲之為東軒長老其塔曹煥往筠余  
作一絕句送曹以戲子由曹過廬山出以示圓通慎長老慎  
欣然亦作一絕送客出門歸入室跌坐化去子由聞之乃作  
一絕一以答子一以答慎明年余過圓通始得其詩乃追次

慎韻

高安幾日回一時抖擻舊塵埃贈右一籠牢收取盛取東軒

來余送曹詩

軒長老未相逢已見黃州一信通何必揚眉資目擊須知千里

向風慎老和余韻

東軒只似虛空樣何處人家籠解盛縱使盛來無處著雪堂自有

老師兄子由答予詩

擔頭挑得黃州籠行過圓通一笑開却到山前人已寂亦無一物

可擔回子由答慎詩

大士何曾有生外小儒低處覓窮通偶留一映千山上散作人間



萬竅風子和  
慎詩

題西林壁

橫看成嶺側成峰，遠近高低無一同。  
不識廬山真面目，只緣身在


此山中

栖賢三峽橋

聞太山石積日穿綫，溜況此百雷。  
霆萬世與石鬪，深行九地底。  
出三峽右長輪不盡，溪欲滿無底。  
竇跳波翻潛魚震，響落飛狖

入山，有草木盡堅，瘦空濛烟霧間。  
瀕洞金石奏，彎彎飛橋出。

穀玉淵神龍近，雨雹亂晴垂。  
巖得清甘可噉，不可漱。



70025391



